

Voto valido y invalido


ARUBA ta na caminda pa Eleccion, *diabierna 6 di December 2024* y ta crucial pa informa e comunidad e importancia pa eherce nan derecho di voto n'e manera corecto door di vota segun *Articulo 61 di e Ordenansa Electoral*.

Conforme **Articulo 61 di Ordenansa Electoral** un voto ta **VALIDO** si:

- E stembiljet tin **1 ronchi yena na cora**
- Pero e siguiente agregacionnan tambe ta wordo considera **VALIDO**
 - **Punt, strepi, krabbel, vink, cruz of vlek di e potlood cora den e ronchi**

Conforme **Articulo 76 di Ordenansa Electoral** un voto ta **INVALIDO** si:

- **Stembiljet no ta oficial:** cualkier stembiljet cu no ta parti di e material oficial (p.e. Specimen etc.)
- **Stembiljet blanco:** stembiljet cu niun ronchi a wordo yena cora
- **Mas cu un ronchi:** stembiljet cu tin mas cu 1 ronchi cu a wordo yena cora
- **Uzo di otro material:** stembiljet cu e ronchi no a wordo yena cu e potlood cora (p.e. pen blauw)



- **Indicacion Personal:** stembiljet cu cualkier remarke of indicacion di e votado
- **Firma oficial:** stembiljet cu no tin e firma oficial di e presidente di e Consejo Electoral

Si un votado ripara cu el a haci **un fout** mientras e ta votando, e mester avisa e Presidente di e urna di e situacion y e votado lo ricibi e oportunidad pa vota di nobo. **Esaki por sosode solamente 1 biaha pa cada votado.**

Nota Importante

Conforme **Articulo 77 di e Ordenansa Electoral** e miembronan di urna ta dicidi riba e validez di un voto;

- Encaso cu tin empate pa un decision, e Presidente di e urna ta dicidi e validez di e voto
- Votadonan presente na e stem local por haci obhecion contra e decision di e miembronan di urna y e Presidente di Urna lo haci anotacion di e obhecion den un proces-verbaal.

Nos ta insisti pa votado sigui e reglanan di voto pa garantisar un eleccion husto y transparente,
Bo voto ta importante!

Pa mas informacion, bishita e website oficial di Consejo Electoral Aruba na er.aw y sigui nan na Facebook y Instagram @consehoelectoralaruba. E plataforma nan lo sirbi como un recurso importante pa votadonan, candidatonan, partidonan politico y publico general, pa keda al dia cu anuncianan, fecha nan y guia relevante pa e eleccion di Aruba.



SWITCH Y HABRI MAS REGALO

Aplica pa Postpaid Unlimited di 2 aña y ricibi un Samsung A25

Join bo red favorito na www.digicelaruba.com



**PARTICIPA
PA PREMIO
SEMANAL**